

# Die geystlich hauf magt.

## Es was ein mal ein Eins-

sidel in einem wald viertzig jar/der ges-  
dacht ihm auff ein zeyt/er wölt gern  
einen menschen sehen/der in  
seinem verdienst were.



114

AD BIBL.

UNIVERS.

MONAC.



¶ Do kam der Engel Gottes zu jm vnnnd sprach / gee mit mir / ich will dich zu einer hanßdiren führen / die ist dir gleich in deinem verdienst gegen Got dem almechtigen.

¶ Do hub er sich auff vnnnd gieng mit dem Engel in die stat / inn das hauß da die dyren innen was / Er nam der dyren ebenn war / er sahe das sie frölich was / vnd mit yederman redt / Er sahe auch das sie wolk aß vnnnd trancß / Er kundt mit der gleichen an jr sehen vnd erkennen.

¶ Er hub an vnd bat sie / das sie jm sagte was jr übung were / das wolt sie jm lang mit sagen biss er sie so hoch ermant inn der ließ Gottes / das sie an hub vnd sagte jm.

¶ Wenn ich des morgens auff stee / so bitt ich Got / das er mich den tag behüt vor sünden / vnd das er sey ein anfang aller meiner werck.

¶ Dierweyl ich mich anleg / so gedencß ich wie man dem Herrn ein spot kleyd hat ans gelegt.

¶ Wenn ich die gürtel vmb gürt / so gedencß ich wie man den Herrn mit den strickeñ

geraytelt hat on alle barmherzigkete.

¶ Wenn ich die schuch anleg / so gedenc ich / das mein Gott vnd mein Herr / nie kein schuch an trug / vnd manchen herten tritt von meinet wegen gegangen ist.

¶ Sez ich den porten auff / so gedenc ich an die dornen kron / wie sie dem Herrn inn sein heiliges haubte gedrückt wardt / durch die hyrnischal auff die ang apffel.

¶ Bindt ich den schlayer vmb / so gedenc ich an das tuch / damit man dem herrn seis ne augen vnbarmhertzlich verbandt.

¶ So eyl ich dann zu der fru mes / vnd kum offt kaum zu der wandlung / so gedenc ich dann / so ich sihe das hochwirdig Sacrament inn des Priesters hend / so opffer ichs dem himlischen vater / mit sampt dem priester / für mein vn aller menschen suind. Ich waiss auch vn erkenn / das es ein gnugsam opffer ist / vnd wenn tausent welt weren.

¶ Wenn ich dann heym gee / so gedenc ich / wie man den Herrn vonn einem hauss zu dem andern mit grossem gespottte / schlege / vnd stossen gefürt hat.

¶ Wenn ich das haßt keer / so gedenc' ich  
wie man den herrn in seiner gefenck nüß ni  
der auff die erden geworffen vnd vmbges  
zogen hat.

¶ Wenn ich das feür ann mach oder anz  
ündt so bitt ich Gott das er das feür göts  
licher liebe in mir anzündt.

¶ Wenn ich die Zefen zu dem feür setz / so ges  
denck' ich wie die Juden bey dem feür stün  
den do Sant Peter den Herrn verlaugnet.

¶ Trag ich dan holtz auff / so gedenc' ich /  
wie der Herr das fron Creutz truge vnd zu  
fünffmalen zu der erden gefallen ist.

¶ Gee ich vmb ein wasser / so gedenc' ich /  
wie man den herrn durch den Bach Cedron  
zoch.

¶ Als offe ich ein messer nütz / als offt ges  
denck' ich an das sper damit mein Herr Je  
sus in sein heylige seytten gestochen wardt.

¶ Als offt ich ein scheyt an den herdt legt /  
als offt gedenc' ich ann die manigfalten  
marter die der Herr durch meinet willen  
orlitten hat.

¶ Wenn ich das essen auff den tisch trag so

gedenck ich an das abentessen vnd außserung  
des hochwirdigen Sacraments.

¶ Trinck ich den / so gedenck ich des eßigs  
vnd der gallen / das man dein Herren zu-  
trincken gab / an dem heyligen Creutz.

¶ Spül ich ab so bitte ich Gott / das er mir  
abwasch alles das jm ein missfallenn ann  
mir ist.

¶ Beth ich dann / so gedenck ich so ich inn  
das beth schlag / wie die Juden den herren  
an der seül schlugen.

¶ Wen ich einen betrübten menschen sihe /  
so bitte ich Got von herzen für jn.

¶ Ich sihe jn vnd erkenn darbey die groß  
gütigkeit die Got an mich gelegt hat vñ  
das ich jm des gar vndancbar bin.

¶ Ich wolt auch allen betrübten mensche  
jr leyden gern helfsen tragen. Ich erkenn  
auch / das mein leyden nichts ist gegen ande-  
ren menschen leyden.

¶ Das treyb ich alltag bis ich mich schlaf-  
fen leg / So gedenck ich wenn ich mich ab-  
zeich / wie man den Herren Jesum vns  
barmherziglich ab zoch vor dem Creutz

sein klaider/wan̄ sie waren jm in sein heylis- 119  
ge rounnen backen/vn̄ jm die daselbst zum  
dritten mal vernerwert.

¶ Also wenn ich mich inn das Beth leg/so  
gedenck ich / wie man den Herren gar vns  
barmhertzgliche auff das Creutz warff/  
vnd in an nagelt/vnd gedenck auch wie es  
vmb mein seel werde steen/wenn man meis  
nen leyß in das grab legen wirdt.

¶ Ich richte auch alle meine arbeyt in das  
leyden des Herrn Jesu Christi/den gantzen  
tag/alles dz ich thu/das ordene ich darein.

¶ Do der Einsidel das höret/do gedacht er  
jm/Ach Gott nun bin ich allein / vnd irret  
mich niemandt / vnd kan kaum das alles  
dencken / vnd du hast die betrachtung zu  
deiner arbeyt / solt ich also vnter den mens  
schen wonen / ich kōndt es nicht / darumb  
hette sie billich noch grössern lon.

¶ Gedrückt zu Nürnberg  
durch Jobst Gucknecht

କିମ୍ବା କିମ୍ବା କିମ୍ବା କିମ୍ବା କିମ୍ବା କିମ୍ବା କିମ୍ବା କିମ୍ବା

ଶୁଣିବାପାଇଁ କିମ୍ବା କିମ୍ବା କିମ୍ବା